


+



2

死詩類選卷之十二

明監察御史包節輯按察司知事前給事中王交校

樂府部二

巫山高

范雲

巫山高不極白日隱光輝
靄靄朝雲去漠漠暮雨歸
巖懸獸無跡林暗鳥疑飛
枕席竟誰薦相望空依依

又

陳後主

巫山巫峽深峭壁聳春林
風巖朝暮落霧嶺晚猿吟
雲來足薦枕雨過非感琴
仙姬將夜月度影自浮沉

又

蕭銓

巫山映巫峽高高殊未窮猿聲不辯處兩色詎分空懸
崖下桂月深澗響松風別有仙雲起時向楚王宮

又

鄭世翼

巫山凌太清岩堯類削成霏霏暮雨合靄靄朝雲生危
峯入鳥道深谷瀉猿聲別有幽樓客淹畱攀桂情

又

陸敬

巫岫鬱岩堯高高入紫霄白雲間抱石玄猿挂迴條懸
崖激巨浪脆葉殞驚颺別有陽臺處風雨共飄飄

又

盧照隣

巫山望不極望望下朝氛莫辨啼猿樹徒看神女雲驚

溽亂水脉驟雨暗峯文霑裳即此地况復遠思君

又

閻復本

君不見巫山高半天起絕壁千尋畫相似君不見巫
山磕匝翠屏開湘江碧水遠山來綠樹春嬌明月峽紅
花朝覆白雲臺臺上朝雲無定所此中窈窕神仙女仙
女盈盈仙骨飛清容出沒有光輝欲暮高唐雲雨送今
宵定入荆王夢荆王夢裏度穠華枕席初開紅帳遮可
憐欲曉啼猿處說道巫山是妾家

又

沈佺期

巫山峯十二環合隱昭回俯眺琵琶峽平看雲雨臺古

樂府部二
卷二
槎天外倚瀑水日邊來何忽啼猿夜荆王枕席開

又

皇甫冉

巫峽見巴東迢迢半出空雲藏神女館雨到楚王宮朝
暮泉聲落寒暄樹色同清猿不可聽偏在九秋中

又

劉方平

楚國巫山秀清猿日夜啼萬重春樹合十二碧峯齊峽
出朝雲下江來暮雨西陽臺歸路直不畏向家迷

又

李端

巫山十二峯皆在碧虛中迴合雲藏日霏微雨帶風猿
聲寒過水樹色暮連空愁向高唐宿清秋見楚宮

又

張循之

巫山高不極合沓竒狀新暗谷疑風雨幽巖若鬼神月
明三峽曙潮滿二江春為問陽臺客應知入夢人

又

梁元帝

巫山高不窮迥出荆門中灘聲下澗石猿鳴上逐風樹
雜山如畫林暗澗疑空無因謝神女一為出房櫳

又

王泰

迢遞巫山竦遠天新霽時樹交涼去遠草合影開遲谷
深流響咽峽近猿聲悲只言雲雨狀自有神仙期

○豫章行

薛道衡

江南地遠接閩甌山東英妙屢經遊前瞻疊障千重阻
却帶驚湍萬里流楓葉朝飛向京洛文魚夜過歷吳洲
君行遠度茱萸嶺妾住長依明月樓樓中愁思不開頻
始復臨窻望早春鴛鴦水上萍初合鳴鶴園中花併新
空憶常時角枕處無復前日畫眉人照骨金環誰見許
見膽明鏡自生塵蕩子從來好畱滯况復關山遠迢遞
當學織女嫁牽牛莫學嫦娥叛夫壻偏訝思君無限極
欲罷欲忘還復憶願作王母三青鳥飛去飛來傳消息
豐城雙劍昔曾離經年累月復相隨不畏將軍成久別
只恐封侯心更移

○廣陵行

王曹

廣陵寔佳麗隋季此為京八方稱輻輳五達如砥平大
旆映空色笳蕭發連營層臺出重霄金碧摩顛清交馳
流水轂迴接浮雲薨青樓旭日映綠野春風晴噴玉光
照地頻蛾價傾城燈前五巧笑陌上相逢迎飄颻翠羽
薄掩映珠襦明蘭麝遠不散管絃閒自清曲士守文墨
達人隨性情茫茫竟同盡冉冉將何營且申今日歡莫
務身後名肯學諸儒輩書窻誤一生

○江南思二首

梁簡文帝

桂楫晚應旋歷岸扣輕舫紫荷擎釣鯉銀筐插短蓮人

歸浦口暗那得久同船

其二

江南有妙妓時則應璿樞月暈蘆灰缺秋還懸炭枯含
丹和九轉芳樹廕三株何辭天后諂終是到仙都

江南弄

王勃

江南弄巫山連楚夢行雨行雲幾相送瑤軒金谷上春
時玉童仙女無見期紫霧香煙眇難托清風明月遙相
思遙相思草徒綠為聽雙飛鳳凰曲

江南曲

宋之問

妾住越城南離居不自堪採花驚曙鳥摘葉餒春蚕懶

結茱萸帶愁安玳瑁簪侍臣消瘦盡日暮碧江潭

又

劉昫

美人何蕩漾湖上風月長玉手欲有贈徘徊雙明璫歌
聲隨綠水怨色起朝陽日暮還家望雲波橫洞房

又五首

劉希夷

暮宿南洲草晨行北岸林日懸滄海濶水隔洞庭深煙
景無留意風波有異濤歲遊難極目春戲易為心朝夕
無榮遇芳菲已滿襟

其二

豔唱潮初落江花露未稀春洲驚翡翠朱服弄芳菲畫

舫煙中淺青陽日際微錦帆衝浪濕羅袖拂行衣含情
罷所採相嘆惜流暉

其三

皓如楚江月靄若吳岫雲波中自皎鏡山上亦氤氳明
月畱照妾輕雲持贈君山川各離散光氣乃殊分天涯
一為別江北不相聞

其四

艤舟乘潮去風帆振草涼潮平見楚甸天際望維揚酒
泝經千里煙波接兩鄉雲明江嶼出日照海流長此中
逢歲晏浦樹落花芳

其五

北堂紅草盛丰茸南湖碧水照芙蓉朝遊暮起金花盡
漸覺羅裳珠露濃自惜年華三五歲已嘆關山千萬重
人情一去無還日欲贈懷芳怨不逢

又

芮廷章

春江可憐事最在美人家鸚鵡能言鳥芙蓉巧笑花馬
銜金作埒水抱玉為砂薄晚青絲騎長鞭赴狹斜

又

韓翃

長樂花枝雨點消江城日暮好相邀春樓不閉歲筵鎖
綠水迴通宛轉橋

河曲遊

盧思道

鄴下盛風流河曲有名遊應徐託後乘車馬踐芳洲
茸雞樹密遙裔鶴煙稠日上疑高蓋雲起類重樓
金羈自沃若蘭棹成夷猶懸匏動清吹采菱轉艷謳
還珂響金埒歸袂拂銅溝唯畏三春晚勿言千歲憂

城南隅讌

前人

城南氣初新才王邀故人輕盈雲映日流亂鳥啼暮花
飛北寺道絃散南漳濱舞動淮南袖歌揚齊后塵駢鑣
歇夜馬接軫限歸輪公孫飲彌月平原護浹旬即是消
聲地何須遠避秦

泛舟橫大江

張正見

大江修且濶揚舳度回磯波中畫鷁涌帆上錦花飛
舟移歷浦月權舉濕春衣王孫客若遠詎待送將歸

公無渡河

前人

金堤分錦纜白馬渡蓮舟風嚴歌響絕浪湧榜人愁
棹折桃花水帆橫竹箭流何言汎辟處千載偶陽侯

濟黃河

謝微

積陰晦平陸淒風結暮序朝辭金谷戍夕逗黃河渚
赤兔徒聯翩青鳧詎容與淚甚聲難發悲多袖未舉
虛薄謬君恩方嗟別宛許

又

蕭愨

大蕃連帝室，驂駕奉皇猷。未明驅羽騎，凌晨方畫舟。津
城度維錦，岸柳夾緹油。鐘聲颺別島，旗影照蒼流。早光
生劍服，朝風起節樓。滔滔細波動，裔裔輕煙浮。迴橈避
近磧，放舳下前洲。全疑上天漢，不異謁蓬丘。望知雲氣
合，聽識水聲秋。從軍何等樂，喜從神仙遊。

隴頭水

梁元帝

銜悲別隴頭，關路漫悠悠。故鄉迷遠近，征人分去留。沙
飛曉成幙，海氣旦如樓。欲識秦川處，隴水向東流。

又

劉孝威

從軍戍隴頭，隴水帶沙流。時觀胡騎飲，常為漢國羞。鬣
妻成兩劍，殺子祀雙鉤。頓取樓蘭頸，就解郅支裘。勿令
如李廣，功遂不封侯。

又

車敫

隴頭征人別，隴水流聲咽。只為識君恩，甘心從苦節。雪
凍弓弦斷，風鼓旗竿折。獨有孤雄劍，龍泉字不滅。

又

陳後主

高隴多悲風，寒聲起夜叢。禽飛暗識路，鳥轉逐征蓬。落
葉時驚沫，移沙屢擁空。回頭不見望，流水玉門東。

又二首

張正見

隴頭鳴四注 征人逐二師 羌笛含流咽 胡笳雜水悲 湍
高飛轉駛 澗淺蕩還遲 前旌去不見 上路杳無期

其二

隴頭流水急 流急行難渡 遠入隗囂營 旁侵酒泉路 心
交賜寶刀 小婦成紉袴 欲知別家久 戎衣今已故

又

謝燮

隴阪望咸陽 征人慘思腸 咽流喧斷岸 遊沫聚飛梁 鳧
分歛水彩 虹飲照旗光 試聽鏡歌曲 唯吟君馬黃

又

顧野王

隴底望秦川 迢遞隔風煙 蕭條落野樹 幽咽響流泉 澗

海波難息 交河水未堅 寧知蓋山水 逐節赴危弦

又二首

江揔

隴頭萬里外 天涯四面絕 人將蓬共轉 水與啼俱咽 驚
湍自湧拂 古樹多摧折 傳聞博望侯 苦心提漢節

其二

霧暗山中日 風驚隴上秋 徒傷幽咽響 不見東西流 無
期從此別 更度幾年幽 遙聞玉關道 望入杳悠悠

又

楊師道

隴頭秋月明 隴水帶關城 笳添離別曲 風送斷腸聲 映
雪峯猶暗 乘冰馬屢驚 霧中寒鴈至 沙上轉蓬輕 天山

傳羽檄漢地急徵兵陣開都護道劍聚伏波營於茲覺
無度方共濯胡纓

又

盧照隣

隴坂高無極征人一望鄉關河別去水沙塞斷歸腸馬
繫千年樹旌懸九月霜從來共嗚咽皆是為勤王

又

沈佺期

隴山飛落葉隴鴈度寒天愁見三秋水分為兩地泉西
流入羌郡東下向秦川征客方回首肝腸空自憐

又二首

僧皎然

隴頭心欲絕隴水不堪聞碎影搖槍壘寒聲咽慢軍素

從鹽海積綠帶柳城分日落天邊望逶迤入塞雲

其二

秦隴逼氐羌征人去未央如何幽咽水併欲斷君腸西
注悲窮漠東分憶故鄉旅魂聲攪亂無夢到遼陽

隴頭

陳後主

隴頭征戍客寒多不識春驚風起嘶馬苦霧雜飛塵投
錢積石水斂纒交河津四面多冰合萬里望佳人

隴頭吟

王維

長安少年遊俠客夜上戍樓看太白隴頭明月迥臨關
隴上行人夜吹笛關西老將不勝愁駐馬聽之雙淚流

身經大小百餘戰麾下偏裨萬戶侯蘇武纔為典屬國
節旄空盡海西頭

隴西行二首

梁簡文帝

隴西四戰地羽檄歲時聞護羌擁漢節校尉立元勳石
門留鉄騎冰城息夜軍洗兵逢驟雨送陣出黃雲沙長
無止泊水脉屢縈分當思勒彝鼎無用想羅裙

其二

悠悠懸旆旌知向隴西行滅竈驅前馬銜枚進後兵沙
飛朝似幙雲起夜疑城廻山時阻路絕水極稽程往年
郵支服今歲單于平方觀凱樂盛飛蓋滿西京

又

耿緯

雪下陽關路人稀隴戍頭封狐猶未翦邊將豈無羞白
草三冬色黃雲萬里愁因思李都尉畢竟不封侯

出自薊北門行

徐陵

薊北聊長望黃昏心獨愁燕山對古刹代郡隱城樓屢
戰橋恒斷長冰塹不流天雲如虵陣漢月帶胡秋漬土
泥函谷按繩縛涼州平生燕領相會自得封侯

又

庾信

薊門還北望役役盡傷情關山連漢月隴水向秦城笳
寒蘆葉脆弓凍紵絃鳴梅林能止渴復姓可防兵將軍

連轉戰都護夜巡營燕山猶有石須勒幾人名

鴈門太守行二首

梁簡文帝

輕霜中夜下黃葉遠辭枝寒苦春難覺邊城秋易知風
急旂旗斷塗長鎧馬疲少解孫吳法家本幽并兒非關
買鴈肉徒勞皇甫規

其二

隴暮風恒急關寒霜自濃櫪馬夜方思邊衣秋未重潛
師夜接戰畧地曉摧鋒悲笳動胡塞高旗出漢壙勤勞
謝公業清白報迎逢非須主人賞寧期定遠封單于如
未擊終夜慕前蹤

又

褚翔

二月楊花合四月麥秋初幽州寒食罷鄭國採桑踈便
聞鴈門戍結束事戎車去歲無霜雪今年有閏餘月如
弦上弩星類水中魚戎車攻日逐燕騎薄康居大宛歸
善馬小月送降書寄語閨中妾勿怨寒牀虛

塞上曲

李白

大漢無中策匈奴犯渭橋五原秋草綠胡騎一何驕命
將征西極橫行陰山側燕支落漢家婦女無顏色轉戰
渡黃河休兵樂事多蕭條清萬里瀚海寂無波

又二首

王昌齡

蟬鳴桑樹間八月蕭關道出塞入塞雲處處黃蘆草從
來幽并客皆向沙場老莫學遊俠兒矜誇紫驕好

其二

邊頭何慘慘已葬霍將軍部曲皆相弔燕南代北聞功
勲多被黜兵馬亦尋分更遣黃龍戍唯當哭塞雲

又

李端

二十在邊城軍中得勇名卷旗收敗馬斷磧擁殘兵覆
陣烏鴛起燒山野火明塞閑思遠獵師老厭分營雪嶺
無人跡冰河足鴈聲李陵甘沒此惆悵漢公卿

又

司空曙

塞柳接胡桑軍門向大荒幕營隨月魄兵氣長星芒橫
吹催春酒重裘隔夜霜冰開不妨虜青草滿遼陽

又

王建

漫漫復淒淒黃沙暮轉迷人當故鄉立馬過舊營嘶斷
鴈逢冰磧回軍占雪溪夜來山下哭應是送降奚

塞下曲

郭元振

塞外虜塵飛頻年出武威死生隨玉劍辛苦向金微久
戍人將老長征馬不肥仍聞酒泉郡已合數重圍

又四首

李白

駿馬如風飈鳴鞭出渭橋彎弓辭漢月插羽破天驕陣

解星芒盡營空海霧消功成畫麟閣獨有霍嫖姚

其二

白馬黃金塞雲砂繞夢思那堪愁苦節遠憶邊城兒螢
飛秋窻滿月度霜閨遲摧殘梧桐葉蕭颯沙棠枝無時
獨不見淚流空自知

其三

塞虜乘秋下天兵出漢家將軍分虎竹戰士卧龍沙邊
月隨弓影胡霜拂劍花玉關殊未入少婦莫長嗟

其四

烽火動沙漠連照甘泉雲漢皇按劍起還召李將軍兵

氣天上合鼓聲隴底聞橫行負勇氣一戰靜妖氛

又

陶翰

進軍飛狐北窮寇勢將變落日沙塵昏背河更一戰駢
馬黃金勒雕弓白羽箭射殺左賢王歸奏未央殿欲言
塞下事天子不召見東出咸陽門哀哀淚如霰

又二首

王維

辛勤幾出黃花戍迢遞初隨細柳營塞晚每愁殘月苦
邊秋更逐斷蓬驚

其二

年少辭家從冠軍金裝寶劍去邀勲不知馬骨傷寒水

惟見龍城起暮雲

又

王昌齡

飲馬渡秋水水寒風似刀平沙日未沒黯黯見臨洮昔
日長城戰咸言意氣高黃塵是一作沙滿今古白骨亂蓬蒿

又

郎士元

寶刀塞上兒身經百戰曾百勝壯心竟未嫖姚知白草
山頭日初沒黃沙戍下悲歌發蕭條夜靜邊風吹獨倚
營門望秋月

又

李益

蕃州部落能結束朝駝暮獵黃河曲燕歌未斷塞鴻飛

牧馬羣嘶邊草綠秦築長城城已摧漢武北上單于臺
古來征戰虜不盡今日還復天兵來黃河東流流北折
沙塲埋恨何時絕蔡琰沒處造胡笳蘇武歸來持漢節
為報如今都護雄匈奴旦暮下雲中請書塞北陰山石
願勒燕然車騎功

又五首

張仲素

三戍漁陽再渡遼驛弓在臂劍橫腰匈奴欲似知名姓
休傍陰山更射鵰

其二

獵馬千羣鴈幾雙燕然山下碧油幢傳聲漢北單于破

火照旌旗夜受降

其三

朔雪飄飄開雁門
平沙歷亂卷蓬根
功名恥計擒生數
直斬樓蘭報國恩

其四

隴水潺湲隴樹秋
征人到此淚雙流
鄉關萬里無因見
西戍河源早晚休

其五

陰磧茫茫塞草腓
枯稊烽上暮煙飛
交河北望天連海
蘇武曾將漢節歸

又二首

令狐楚

雪滿衣裳冰滿鬚
曉隨飛將伐單于
平生志氣今何在
把得家書淚似珠

其二

邊草蕭條塞雁飛
征人南望盡沾衣
黃塵滿面長須戰
白髮生頭未得歸

出塞

劉孝標

薊門秋氣清
飛將出長城
絕漠衝風急
交河夜月明
陷敵縱金鼓
摧鋒揚旆旌
去去無終極
日暮動邊聲

又

王褒

飛蓬似征客千里自長驅塞禽唯有鴈關樹但生榆背
山看故壘繫馬識餘蒲還因麾下騎來送月支圖

又

楊素

漠南胡未空漢將復臨戎飛狐出塞北碣石指遼東冠
軍臨瀚海長平翼大風雲橫虎落陣氣抱龍城虹橫行
萬里外胡運百年窮兵寢星芒落戰解月輪空嚴鑊息
夜斗駢角罷鳴弓北風嘶胡馬胡霜切塞鴻休明大道
暨幽荒日用同方就長安邱來謁建章宮

又

虞世基

窮秋塞草腓塞外胡塵飛微兵廣武至候騎陰山歸廟

堂千里策將軍百戰威轅門臨玉帳大旆指金微摧朽
無勅敵應變有先機銜枚壓曉陣卷甲解朝圍瀚海波
瀾靜王度氛霧稀鼓聲嚴朔氣原野曠寒暉勳庸震邊
服歌吹入京畿待拜長平坂鳴騶入禮闈

又二首

薛道衡

高秋白露團上將出長安塵沙塞下暗風月隴頭寒轉
蓬隨馬足飛霜落劍端凝雲迷代郡流水凍桑乾烽微
桔槔遠橋峻轆轤難從軍多惡少召募盡材官伏堤時
卧鼓疑兵詐解鞍柳城擒冒頓長坂納呼韓受降今更
築燕然已重刊還嗤傅介子辛苦刺樓蘭

其二

邊庭烽火驚插羽夜徵兵少吳騰金氣文星動將星長
驅鞬汗北直指夫人城絕漠三秋暮窮陰萬里生寒夜
哀笳曲霜天斷鴈聲連旗下麻塞疊鼓向龍庭妖雲墜
虜陣暈月遠胡營左賢皆頓顙單于已繫纓絨馬登玄
闕鈎鯤臨北溟當知霍驃騎高第起西京

又

竇威

匈奴屢不平漢將欲縱橫看雲方結陣却月始連營潛
軍渡馬邑揚旆掩龍城會勒燕然石方傳車騎名

又

楊炯

塞外欲紛紜雌雄猶未分明堂占氣色華蓋辨星文二
月河魁將三千太一軍丈夫皆有志會是立功勳

又

陳子昂

忽聞天上將關塞重橫行始返樓蘭國還向朔方城黃
金裝戰馬白羽集神兵星月開天陣山川列地營晚風
吹畫角春色耀飛旌寧知班定遠獨是一書生

又

沈佺期

十年通大漠萬里出長平寒日生戈劍陰雲搖旆旌饑
烏啼舊壘疲馬戀空城辛苦臯蘭北胡霜損漢兵

又

張易之

樂府詩
卷五
俠客重恩光驄馬飾金裝
管聞傳羽檄馳突救邊荒
轉戰磨笄地橫行帶斗鄉
將軍占太白小婦怨流黃
驪褭青絲騎娉婷紅粉妝
一春鶯度曲八月鴈成行
誰堪坐秋思羅袖拂空牀

又

王維

居延城外獵天驕白草連天野
火燒暮雲空磧時驅馬
秋日平原好射鵬護羌校尉朝
垂障破虜將軍夜渡遼
玉靶角弓珠勒馬漢家將賜霍嫖姚

又二首

王昌齡

秦時明月漢時關萬里長征人未還
但使龍城飛將在

不教胡馬度陰山

其二

白花垣上望京師黃河水流無盡時
窮秋曠野行人絕馬首東來知是誰

又

馬戴

金帶連環束戰袍馬頭衝雪度臨洮
卷旗夜劫單于帳亂斬胡兵缺寶刃

又

耿緯

漢家邊事重竇憲出臨戎絕漠秋山在
陽關舊路通列營依茂草吹角向高風
更就燕然石看銘破虜功

又

荒壘三秋夕窮郊萬里平海陰凝獨樹日氣下連營戎
旆霜疑重邊裘寒更輕將軍獨轉戰都尉不成名折柳
悲春曲吹笳斷夜聲明年塞使返須築受降城

鄭愔

入塞

何妥

桃林千里險候騎紛紛問此將何事嫖姚封冠軍回
旌引流雷歸蓋轉行雲待任蒼龍傑方當論次勲

又

劉希夷

將軍陷虜圍邊務息戎機霜雪交河盡旌旗入塞飛曉
光隨馬度春色伴人歸課績朝明主臨軒拜武威

又

耿緯

將軍帶十圍重錦製戎衣猿臂銷弓力虬鬚長劍威首
登平樂宴新破大宛歸樓上珠姬笑門前問客稀暮烽
玄菟急秋草紫駟肥未奉君王詔高槐晝掩扉

出關

魏徵

中原還逐鹿投筆事戎軒縱橫計不就慷慨志猶存策
杖謁天子驅馬出關門請纓羈南越憑軾下東藩鬱紆
陟高岫出沒望平原古木吟寒鳥空山啼夜猿既傷千
里目還驚九折魂豈不憚艱險深懷國士恩季布無二
諾侯嬴重一言人生感意氣功名誰復論

入關

張祐

都城連百二雄險此回還地勢遙尊嶽河流側讓關秦
皇曾虎視漢祖亦龍顏何事集兇輩干戈自不閑

度關山

梁簡文帝

關山遠可度遠度復難思直指遮歸道都護摠前期力
農爭地利轉戰逐天時材官蹶張皆命中弘農越騎盡
舉旗舉旗遠不息驅虜何窮極狼居一封難再睹關氏
永去無容色銳氣且橫行朱旗亂日精先屠光祿塞却
破夫人城凱還歸舊里非是銜功名

又

張正見

關山度曉月劍客遠從征雲中出迥陣天外落奇兵輪
摧偃去節樹倒礙懸旌沙揚折坂暗雲積榆溪明馬倦
時銜草人疲屢看城寒隴胡笳溢空林漢鼓鳴還聽鳴
咽水併切斷腸聲

又

李端

鴈塞日初晴胡關雪復平危竿懸廣漠古竇傍長城拔
劍金星出彎弧玉羽鳴誰知係虜者賈誼是書生

關山月

梁元帝

朝望清波道夜上白登臺月中含桂樹流影自徘徊寒
沙逐風起春花犯雪開夜長無與晤衣單誰為裁

又
秋月上中天迴照關城前
暈缺隨灰滅光滿應珠圓
帶樹還添柱街峯乍似弦
復教征戍客長怨久連翩

又

張正見

巖間度月華流彩映山斜
暈逐連城壁輪隨出塞車
唐莫遙合影秦桂遠分花
欲念盈虛理方知道路賒

又二首

徐陵

關山三五月客子憶秦川
思婦高樓上當窻應未眠
星旗暎踈勒雲陣上祁連
戰氣今如此從軍復幾年

其二

月出柳城東微雲掩復通
蒼茫紫白暈蕭瑟帶長風
羌兵燒上郡胡騎獵雲中
將軍擁節起戰士夜鳴弓

又

陸瓊

邊城與明月俱在關山頭
焚烽望別壘擊斗宿危樓
團團好扇纖纖秦女鈎
鄉園誰共此愁人屢益愁

又

賀力牧

重關斂暮煙明月下秋前
照石疑分鏡臨弓似引弦
霧暗迷旗影霜濃濕劍蓮
此處離鄉客遙心萬里懸

又

王褒

關山夜月明秋色照孤城
影虧同漢傳輪滿逐胡兵
天

寒光轉白風多暈欲生寄言亭上吏遊客解雞鳴

又

阮卓

關山凌漢開霜月正徘徊映林如壁碎侵塞似輪摧楚
師隨晦盡胡兵逐暖來寒笳將夜鵲相亂晚聲哀

又

江揔

兔月半輪明孤關一路平無期從此別復欲幾年行
光書漢奏分影照胡兵流落今如此長戍受降城

又

盧照鄰

塞垣通碣石虜障抵祁連相思在萬里明月正孤懸影
移金岫北光斷玉門前寄書謝中婦時看鴻雁天

又

崔融

月生西海上氣逐邊風壯萬里度關山蒼茫非一狀漢
兵開郡國胡馬窺亭障夜夜聞悲笳征人起南望

又

沈佺期

漢月生遼海瞳矓出半暉合昏玄菟郡中夜白登圍暈
落關山迥光含霜霰微將軍聽曉角戰馬欲南歸

又

李白

明月出天山蒼茫雲海間長風幾萬里吹度玉門關漢
下白登道胡窺青海灣由來征戰地不見有人還戍客
望邊色思歸多苦顏高樓當此夜嘆息未應閑

胡無人行

吳均

劍頭利如芒恒持照眼光
鉄騎追驍虜金羈討黠羌
高秋八九月胡地草風霜
男兒不惜死破膽與君嘗

又

徐彦伯

十月繁霜下征人遠鑿空
雲搖錦更節海照角端弓
暗磧堆砂樹衝飈卷塞蓬
方隨膜拜入歌舞玉門中

燕支行

王維

漢家天將才且雄時來謁帝
光明宮萬乘親推雙闕下
天官出餞五陵東擔辭甲第
金門裏身作長城玉塞中
衛霍才堪一騎將朝廷莫數
貳師功趙魏燕韓多勁卒

關西俠少何咆勃報仇只是
聞嘗膽飲酒不曾妨刮骨
畫戟雕戈白日寒連旗大旆
黃塵沒疊鼓遙翻瀚海波
鳴笳亂動關山月麒麟錦帶
佩吳鉤瓠水青驪躍紫駟
拔劍已斷天驕臂歸鞍共飲
月支頭漢軍大呼一當百
虜騎相看哭且愁教戰雖令
赴湯火終知上將伐謀猷

將軍行

劉希夷

將軍闢轅門耿介當風立
諸將欲言事逡巡不敢入
劍氣射雲天鼓聲振原隰
黃塵塞路起走馬追兵急
彎弓從此去飛箭如雨集
截圍一百重新首五千級
代馬流血死胡人抱鞍泣
古來養甲兵有事常討襲
乘我廟堂

運坐使干戈戢獻凱歸京都軍容何翕習

老將行

王維

少年十五二十時步行奪得胡馬騎射殺山中白額虎
肯數鄴下黃鬚兒一身轉戰三千里一劍曾當百萬師
漢兵奮迅如霹靂虜騎崩騰畏蒺藜衛青不敗由天幸
李廣無功緣數竒自從棄置便衰朽世事蹉跎成白首
昔時飛箭無全目今日垂楊生左肘路旁時買故侯瓜
門前學種先生柳茫茫古木連窮巷寥落寒山對空牖
誓令踈勒出飛泉不似潁川空使酒賀蘭山下陣如雲
羽檄交馳日夕聞節使三河募年少詔書五道出將軍

試拂鐵衣如雪色聊持寶劍動星文願得燕弓射大將
恥令越甲鳴吳軍莫嫌舊日雲中守猶堪一戰取功勳

從軍行二首

梁簡文帝

貳師惜善馬樓蘭貪漢財前年出右地今歲謝輪臺魚
雲望旗聚龍沙隨陣開冰城朝浴鐵地道夜銜枚將軍
號令密天子璽書催何時反舊里遙見下機來

其二

雲中亭障羽檄驚甘泉烽火通夜明貳師將軍新築營
嫖姚校尉初出征復有山西將絕世愛雄名三門應遁
甲五壘學神兵白雲隨旆色蒼山峇鼓聲迤邐觀鷲翼

參差曙鴈行先平小月陣却滅大宛城善馬還長樂黃
金付水衡小婦趙人能鼓瑟侍婢初笄解鄭聲庭前桃
花飛欲合必應紅粧來起迎

又

梁元帝

山虛和鏡管水淨寫樓船連雞隨火度燧象帶烽然洞
庭晚風急瀟湘夜月圓荀令多文藻臨戎賦雅篇

又

戴嵩

長安夜刺聞胡騎犯銅鞮詔書發隴右召募取關西劍
懸三尺鞞鎧暴七重犀督軍鳴戰鼓連夜數更鞞侵星
向柳塞際暗入榆溪秦涇合藥塢晉火逐飛雞逼泉開

地道望敵豎雲梯陰山日不暮長城風自淒弓寒折錦
韃馬凍滑斜蹄燕旗竿上脆羌笛管中嘶登山試下趙
憑軾且平齊當令函谷上惟用一丸泥

又二首

張正見

胡兵屯薊北漢將起山西故人輕百戰聊欲定三齊風
前噴畫角雲上舞飛梯鴈塞秋聲遠龍沙雲路迷燕然
自可勒函谷詎須泥

其二

將軍定朔邊刁斗出祁連高柳橫絕塞長榆接遠天井
泉含凍竭烽火照山然欲知客心斷危旌萬里懸

又

王褒

兵書久閑習征戰數曾經講戎平樂觀學戲羽林亭西
征度踈勒東驅出井陘牧馬濱長渭營軍毒上涇平雲
如陣色半月類城形羽書封信壘詔使動流星對岸流
沙白緣河柳色青將幙恒臨斗旌門嘗背邢勲封瀚海
石功勒燕然銘兵勢因麾下軍圖送掖庭誰憐下玉筋
向暮掩金屏

又

盧思道

朔方烽火照甘泉長安飛將出祁連犀渠玉劍良家子
白馬金羈俠少年平明偃月屯右地薄暮魚麗逐左賢

谷中石虎經銜箭山上金人曾祭天天涯一去無窮已
薊門迢遞三千里朝見馬嶺黃沙合夕望龍城陣雲起
庭中竒樹已堪攀塞外征人殊未還白雪初下天山外
浮雲直向五原間關山萬里不可越誰能坐對芳菲月
流水本自斷人腸堅冰舊來傷馬骨邊庭節物與華異
冬霰秋霜春不歇長風蕭蕭渡水來歸鴈連連映天沒
從軍行軍行萬里出龍庭單于渭橋今已拜將軍何處
覓功名

又

明餘慶

三邊烽亂驚十萬且橫行風卷常山陣笳喧細柳營劍

花寒不落弓月曉逾明會取淮南地持作朔方城

又

虞世南

烽火發金微連營出武威孤城寒雲起絕陣虜塵飛俠
客吸龍劍惡少縵胡衣朝摩骨都壘夜解谷蠡圍蕭關
遠無極蒲海廣難依沙磴離旌斷晴川候馬歸交河梁
已畢燕山旆欲飛方知萬里相侯服有光輝

又

王宏

兒生三日掌上珠燕頤猿肱穠李膚十五學劍北擊胡
羌歌燕筑送城隅城隈路接伊川驛河陽渡頭邯鄲陌
可憐少年把手時黃鳥雙雙梨花白秦王築城三千里

西自臨洮東遼水山邊疊疊雲飛海畔萋萋青草死
從來戰鬪不求勲殺身為君君不聞鳳凰樓上吹急管
落日徘徊腸先斷

又

楊炯

烽火照西京心中自不平牙章辭鳳闕鐵騎繞龍城雪
暗凋旗畫風多雜鼓聲寧為百夫長勝作一書生

又

駱賓王

平生一顧念意氣溢三軍野日分戈影天星合劍文弓
弦抱漢月馬足踐胡塵不求生入塞惟當死報君

又

喬知之

南庭結白露北風掃黃葉此時鴻雁來驚鳴催思妾曲
房理針線平砧擣文練鴛綺裁易成龍鄉信難見窈窕
九重閨寂寞十年啼紗窻白雲宿羅幌月光棲雲月曉
微微愁思流黃機玉霜凍珠履金吹薄羅衣漢家已得
地君去將何事宛轉結蚕書寂寂無鴈使生平荷恩信
本為容華進况復落紅顏蟬聲催綠鬢

又

崔融

穹廬雜種亂金方武將神兵下玉堂天子旌旗過細柳
匈奴運數盡枯楊關頭落月橫西裔塞下凝雲斷北荒
漠漠邊塵飛衆鳥昏昏朔氣聚羣羊依稀蜀杖迷新竹

髣髴胡牀識故桑臨海舊來聞驃騎尋河本自有中郎
坐看戰壁為平土近侍軍營作破羌

又

李昂

漢家未得燕支山征戌年年沙朔間塞下長驅汗血馬
雲中恒閉玉門關陰山瀚海千萬里此日桑河凍流水
稽洛山邊雲騎來漁陽戍裏烽煙起長途羽檄何相望
天子按劍思北方羽林練士拭金甲將軍校戰出玉堂
幽陵異域風煙改亭障連連古今在夜聞鴻鴈南渡河
曉望旌旗北臨海塞沙飛浙瀝遙裔連窮磧玄漠雲平
初合陣西山月出聞鳴鏑城南百戰多苦辛路傍死卧

樂府部二
卷十二
元
黃沙人戎衣不脫隨霜雪汗馬趁輝長被鐵揚葉樓中
不寄書蓮花劍上空流血匈奴未滅不言家驅逐行行
邊徼賒歸心海外見明月別思天邊夢落花天邊迴望
何悠悠芳樹無端渡龍頭春雲不變陽關雪桑葉先知
胡地秋田疇不買盧龍策竇憲思勒燕然石縻兵靜北
垂此日交河湄欲令塞上無干戚會待單于繫頸時

又

賀朝清

朔胡乘月寇邊城軍書插羽刺中京天子金壇拜飛將
單于玉塞振佳兵騎射先鳴推任俠龍韜決勝佇時英
聞有河書客惜惜理惟常山啓霸圖汜水先天策銜

珠浴鐵向桑乾纍旗膏劍指烏丸鳴雞已報關山曉來
鴈遙傳沙塞寒直為甘心從苦節龍頭流水鳴嗚咽邊
樹蕭蕭不覺春天山漠漠長飛雪魚麗陣接雲塞平鴈
翼營通海月明始看晉募飛鷺入旋聞齊壘啼烏聲自
從一戍燕支山春光幾度晉陽關金河未轉青絲騎玉
筋應啼紅粉頰鴻歸燕相續池邊芳草綠已見氛清細
柳營莫更春歌落梅曲烽沉竈減靜邊亭海晏山空肅
已寧行望鳳京旋凱捷重來麟閣畫丹青

又二首

李白

從軍玉門道逐虜金微山笛奏梅花曲刀開明月環鼓

聲鳴海上兵氣擁雲間願斬單于首長驅靜鐵關

其二

百戰沙場碎鐵衣城南已合數重圍突營射殺呼延將
獨領殘兵千騎歸

又

李頎

白日登山望烽火黃昏飲馬傍交河行人刁斗風沙暗
公主琵琶幽怨多野雲萬里無城郭雨雪紛紛連大漠
胡鴈哀鳴夜夜飛胡兒眼淚雙雙落聞道玉門猶被遮
應將性命逐輕車年年戰骨埋荒外空見蒲萄入漢家

又三首

王維

旌甲從軍久風雲識陣難今朝韓信計日下斬成安

其二

燕領多奇相狼頭敢犯邊寄言班定遠正是立功年

其三

旄頭夜落捷書飛來奏金門着賜衣白馬將軍頻破鏑
黃龍戍卒幾時歸

又三首

王昌齡

烽火城西百尺樓黃昏獨坐海風秋更吹羌笛關山月
無那金閨萬里愁

其二

琵琶起舞換新聲，
總是關山離別情。
撩亂邊愁聽不盡，
高高秋月照長城。

其三

青海長雲暗雪山，
孤城遙望玉門關。
黃沙百戰穿金甲，
不破樓蘭終不還。

又

李約

看圖閑教陣畫地，
靜論邊烏壘天西。
戍鷹姿塞上川路，
長須筭日書遠每題年。
無復生還望，
翻思未別前。

戰城南

張正見

薊北馳胡騎，城南接短兵。
雲屯兩陣合，劍聚七星明。
旗

交無復影，角憤有餘聲。
戰罷披雲策，還嗟李少卿。

又

楊炯

塞北途遼遠，城南戰苦辛。
幡旗如鳥翼，甲冑似魚鱗。
凍冰傷塞馬，悲風愁殺人。
寸心明白日，千里暗黃塵。

又

盧照鄰

將軍出紫塞，冒頓在烏貪。
笳喧鴈門北，陣翼龍城南。
雕弓夜宛轉，鐵騎晚參驩。
應須駐白日，為待戰方酣。

平戎辭二首

王維

太白秋高助漢兵，
長風夜卷虜塵清。
男兒解却腰間劍，
喜見君王道化平。

其二

卷旆生風喜氣新
早持龍節靜邊塵
漢家天子圖麟閣
身是當今第一人

唐凱歌四首

岑參

官軍西出過樓蘭
營帳旁臨月窟寒
蒲海曉霜凝劍尾
蔥山夜雪撲旌竿

其二

鳴笳擗鼓擁回軍
破國平蕃昔未聞
大夫鵲印搖邊月
天將龍旗掣海雲

其三

日落轅門鼓角鳴
千羣面縛出蕃城
洗兵魚海雲迎陸
秣馬龍堆月照營

其四

暮雨征旗濕未乾
胡塵白草日光寒
昨夜將軍連曉戰
蕃軍只見馬空鞍

從軍中行路難二首

駱賓王

君不見封狐雄虺自成羣
馮深負固結妖氛
玉壘分兵徵惡少
金壇受律動將軍
將軍擁旄宣廟畧
戰士橫戈靜夷落
長驅一息背銅梁
直指三巴逾劍閣
閣道岩窈起戍樓
劍門遙裔俯靈丘
卽關九折無平路
江水雙源

有急流征役無期返他鄉歲華晚杳杳丘陵出蒼蒼林
薄遠途危紫蓋峰路澁青泥坂去去指哀牢行行入不
毛絕壁千里險連山四望高中外分區宇夷夏殊風土
交趾枕南荒昆彌臨北戶川源饒毒霧溪谷多淫雨行
潦四時流崩崖千歲古漂梗飛蓬不暫安捫藤引葛度
危巖昔時聞道從軍樂今日方知行路難蒼江綠水東
流駛炎洲丹徼南中地南中南斗映星河秦川秦塞阻
煙波三春邊地風光少五月瀘中瘴癘多朝驅疲斥堠
夕息倦樵歌向月響繁弱連星轉太阿重義輕生懷一
顧東伐西征凡幾度夜夜朝朝班鬢新年年歲歲戎衣
故灞城隅滇池水天涯望轉積地際行無已徒覺炎涼
節物非不知關山千萬里棄置勿重陳重陳多苦辛且
說清笳梅柳曲詎憶芳園桃李人絳節朱旗分白羽丹
心白刃酬明主但令一被君王知誰憚三邊征戰苦行
路難行路難岐路幾千端無復歸雲憑短翰空餘望日
想長安

其二

君不見玉關塵色暗邊亭銅鞮雜虜寇長城天子按劍
徵餘勇將軍受脤事橫行七德龍韜開玉帳千里鼙鼓
疊金鉦陰山苦霧埋高壘交河孤月照連營去去無窮

樂府詩集卷之十二
極擁旆遙遙過絕國陣雲朝結晦天山寒沙夕漲迷踈
勒龍鱗水上開魚貫馬首山前振鷗翼長驅萬里讐祁
連分麾三命武功宣百發烏號遙碎柳七尺龍文迴照
蓮春來秋去移灰瑄蘭閨柳市芳塵斷鴈門迢遞尺書
稀鴛被相思雙帶緩行路難擔令氛祲靜皋蘭但使封
侯龍額貴詎隨中婦鳳樓寒

苑詩類選卷之十二



